

SCIENCE
PROBLEMS.UZ

ISSN: 2181-1342 (ONLINE)

№ S/4 (3) - 2023

ИЖТИМОЙ-ГУМАНИТАР ФАНЛАРНИНГ
ДОЛЗАРБ МУАММОЛАРИ

АКТУАЛЬНЫЕ ПРОБЛЕМЫ
СОЦИАЛЬНО-ГУМАНИТАРНЫХ НАУК

ACTUAL PROBLEMS OF HUMANITIES
AND SOCIAL SCIENCES



ЭЛЕКТРОН ЖУРНАЛ

ЭЛЕКТРОННЫЙ ЖУРНАЛ

ELECTRONIC JOURNAL

SCIENCEPROBLEMS.UZ

ИЖТИМОЙ-ГУМАНИТАР ФАНЛАРНИНГ ДОЛЗАРБ МУАММОЛАРИ

Махсус сон

№ 5/4 (3) – 2023

АКТУАЛЬНЫЕ ПРОБЛЕМЫ СОЦИАЛЬНО- ГУМАНИТАРНЫХ НАУК

ACTUAL PROBLEMS OF HUMANITIES AND SOCIAL SCIENCES

ТОШКЕНТ-2023

БОШ МУҲАРРИР:

Исанова Феруза Тулқиновна

ТАҲРИР ҲАЙЪАТИ:

07.00.00-ТАРИХ ФАНЛАРИ:

Юлдашев Анвар Эргашевич – тарих фанлари доктори, сиёсий фанлар номзоди, профессор, Ўзбекистон Республикаси Президенти ҳузуридаги Давлат бошқаруви академияси;

Мавланов Уктам Махмасабирович – тарих фанлари доктори, профессор, Ўзбекистон Республикаси Президенти ҳузуридаги Давлат бошқаруви академияси;

Хазраткулов Абдор – тарих фанлари доктори, доцент, Ўзбекистон давлат жаҳон тиллари университети.

08.00.00-ИҚТИСОДИЁТ ФАНЛАРИ:

Карлибаева Рая Хожабаевна – иқтисодиёт фанлари доктори, профессор, Тошкент давлат иқтисодиёт университети;

Худойқулов Садирдин Каримович – иқтисодиёт фанлари доктори, доцент, Тошкент давлат иқтисодиёт университети;

Азизов Шерзод Ўктамович – иқтисодиёт фанлари доктори, доцент, Ўзбекистон Республикаси Божхона институти;

Арабов Нурали Уралович – иқтисодиёт фанлари доктори, профессор, Самарқанд давлат университети;

Холов Актам Хатамович – иқтисодиёт фанлари бўйича фалсафа доктори (PhD), доцент, Ўзбекистон Республикаси Президенти ҳузуридаги Давлат бошқаруви академияси;

Шадиева Дилдора Хамидовна – иқтисодиёт фанлари бўйича фалсафа доктори (PhD), доцент в.б, Тошкент молия институти;

Шакаров Қулмат Аширович – иқтисодиёт фанлари номзоди, доцент, Тошкент ахборот технологиялари университети

09.00.00-ФАЛСАФА ФАНЛАРИ:

Ҳакимов Назар Ҳакимович – фалсафа фанлари доктори, профессор, Тошкент давлат иқтисодиёт университети;

Яхшилик Жўрабой – фалсафа фанлари доктори, профессор, Самарқанд давлат университети;

Ғайбуллаев Отабек Мухаммадиевич – фалсафа фанлари доктори, профессор, Самарқанд давлат чет тиллар институти;

Ҳошимхонов Мўмин – фалсафа фанлари доктори, доцент, Жиззах педагогика институти;

Носирходжаева Гулнора Абдукаҳхаровна – фалсафа фанлари номзоди, доцент, Тошкент давлат юридик университети.

10.00.00-ФИЛОЛОГИЯ ФАНЛАРИ:

Ахмедов Ойбек Сапорбаевич – филология фанлари доктори, профессор, Ўзбекистон давлат жаҳон тиллари университети;

Кўчимов Шухрат Норқизилович – филология фанлари доктори, доцент, Тошкент давлат юридик университети;

Салахутдинова Мушарраф Исамутдиновна – филология фанлари номзоди, доцент, Самарқанд давлат университети;

Кучкаров Раҳман Урманович – филология фанлари номзоди, доцент в/б, Тошкент давлат юридик университети;

Юнусов Мансур Абдуллаевич – филология фанлари номзоди, Ўзбекистон Республикаси Президенти ҳузуридаги Давлат бошқаруви академияси;

Саидов Улугбек Арипович – филология фанлари номзоди, доцент, Ўзбекистон Республикаси Президенти ҳузуридаги Давлат бошқаруви академияси.

12.00.00-ЮРИДИК ФАНЛАРИ:

Ахмедшаева Мавлюда Ахатовна – юридик фанлар доктори, профессор, Тошкент давлат юридик университети;

Мухитдинова Фирюза Абдурашидовна – юридик фанлар доктори, профессор, Тошкент давлат юридик университети;

Эсанова Замира Нормуратовна – юридик фанлар доктори, профессор, Ўзбекистон Республикасида хизмат кўрсатган юрист, Тошкент давлат юридик университети;

Ҳамроқулов Баҳодир Мамашарифович – юридик фанлар доктори, профессор в.б., Жаҳон иқтисодиёти ва дипломатия университети;

Зулфиқоров Шерзод Хуррамович – юридик фанлар доктори, профессор, Ўзбекистон Республикаси Жамоат ҳавфсизлиги университети;

Хайитов Хушвақт Сапарбаевич – юридик фанлар доктори, профессор, Ўзбекистон Республикаси Президенти ҳузуридаги Давлат бошқаруви академияси;

Асадов Шавкат Ғайбуллаевич – юридик фанлар доктори, доцент, Ўзбекистон Республикаси

Президенти ҳузуридаги Давлат бошқаруви академияси;

Сайдуллаев Шахзод Алиханович – юридик фанлар номзоди, профессор, Тошкент давлат юридик университети;

Амиров Зафар Актамович – юридик фанлар бўйича фалсафа доктори (PhD), Ўзбекистон Республикаси Судьялар олий кенгаши ҳузуридаги Судьялар олий мактаби

13.00.00-ПЕДАГОГИКА ФАНЛАРИ:

Ҳашимова Дильдархон Уринбоевна – педагогика фанлари доктори, профессор, Тошкент давлат юридик университети;

Ибрагимова Гулнора Хавазматовна – педагогика фанлари доктори, профессор, Тошкент давлат иқтисодиёт университети;

Закирова Феруза Махмудовна – педагогика фанлари доктори, Тошкент ахборот технологиялари университети ҳузуридаги педагогик кадрларни қайта тайёрлаш ва уларнинг малакасини ошириш тармоқ маркази;

Тайланова Шоҳида Зайниевна – педагогика фанлари доктори, доцент.

19.00.00-ПСИХОЛОГИЯ ФАНЛАРИ:

Каримова Васида Маманосировна – психология фанлари доктори, профессор, Низомий номидаги Тошкент давлат педагогика университети;

Ҳайитов Ойбек Эшбоевич – Жисмоний тарбия ва спорт бўйича мутахассисларни қайта тайёрлаш

ва малакасини ошириш институти, психология фанлари доктори, профессор

Умарова Навбаҳор Шокировна – психология фанлари доктори, доцент, Низомий номидаги Тошкент давлат педагогика университети, Амалий психология кафедраси мудири;

Атабаева Наргис Батировна – психология фанлари доктори, доцент, Низомий номидаги Тошкент давлат педагогика университети;

Қодиров Обид Сафарович – психология фанлари доктори (PhD), Самарканд вилоят ИИБ Тиббиёт бўлими психологик хизмат бошлиғи.

22.00.00-СОЦИОЛОГИЯ ФАНЛАРИ:

Латипова Нодира Мухтаржановна – социология фанлари доктори, профессор, Ўзбекистон миллий университети кафедра мудири;

Сеитов Азамат Пўлатович – социология фанлари доктори, профессор, Ўзбекистон миллий университети;

Содиқова Шоҳида Мархабоевна – социология фанлари доктори, профессор, Ўзбекистон халқаро ислом академияси

23.00.00-СИЁСИЙ ФАНЛАР

Назаров Насриддин Атакулович – сиёсий фанлар доктори, фалсафа фанлари доктори, профессор, Тошкент архитектура қурилиш институти;

Бўтаев Усмонжон Хайруллаевич – сиёсий фанлар доктори, доцент, Ўзбекистон миллий университети кафедра мудири.

ОАК Рўйхати

Мазкур журнал Вазирлар Маҳкамаси ҳузуридаги Олий аттестация комиссияси Раёсатининг 2022 йил 30 ноябрдаги 327/5-сон қарори билан тарих, иқтисодиёт, фалсафа, филология, юридик ва педагогика фанлари бўйича илмий даражалар бўйича диссертациялар асосий натижаларини чоп этиш тавсия этилган илмий нашрлар рўйхати (Рўйхатга) киритилган.

Crossref DOI:

Таҳририят Crossref DOI нинг расмий аъзоси ҳисобланади ва 10.47.390 DOI префиксига эга. Ҳар бир нашр ва илмий мақолага индивидуал Crossref DOI рақами бериледи.

Google Scholar

Журнал Google Scholar (Академия) да индексацияланади.

Ижтимоий-гуманитар фанларнинг долзарб муаммолари электрон журнали 1368-сонли гувоҳнома билан давлат рўйхатига олинган.
Муассис: “SCIENCEPROBLEMS TEAM” масъулияти чекланган жамият.

Таҳририят манзили:

Тошкент шаҳри, Яккасарой тумани, Кичик Бешёғоч кўчаси, 70/10-уй. Электрон манзил: scienceproblems.uz@gmail.com
Телеграм канал: https://t.me/scienceproblems_uz

07.00.00 – Тарих фанлари

Бабаджанов Хасан Бахтиёрович
Муҳаммад ал-Хоразмий номидаги
ТАТУ Гуманитар фанлар кафедраси
мудири, PhD, доцент

ИККИНЧИ ЖАҲОН УРУШИ ДАВРИДА ЎЗБЕКИСТОНДА ОЗИҚ-ОВҚАТ МАҲСУЛОТЛАРИ ТАЪМИНОТИДА ТОМОРҚА ХЎЖАЛИКЛАРИНИНГ ЎРНИ

Аннотация. Мақолада Иккинчи жаҳон уруши йилларида Ўзбекистон аҳолиси ва фронтни озиқ-овқат маҳсулотлари билан таъминлашда томорқа хўжаликларининг ўрни ва аҳамияти танқидий таҳлил этилди. Шунингдек, хўжаликларнинг турли фондлар ва солиқлар воситасида армияни озиқ-овқат маҳсулотлари билан таъминлашдаги ўрни кўрсатиб берилди.

Калит сўзлар: Иккинчи жаҳон уруши, озиқ-овқат таъминоти, аҳолининг моддий аҳволи, Ўзбекистон, қишлоқ хўжалиги, солиқлар, томорқа хўжаликлари, чорвачилик, Қизил Армия гўшт фонди, паррандачилик, фронт.

Бабаджанов Хасан Бахтиёрович
Заведующий кафедрой Гуманитарных наук
ТУИТ имени Мухаммада ал-Хоразмий

РОЛЬ ПОДСОБНЫХ ХОЗЯЙСТВ В ПРОДОВОЛЬСТВЕННОМ ОБЕСПЕЧЕНИИ УЗБЕКИСТАНА В ГОДЫ ВТОРОЙ МИРОВОЙ ВОЙНЫ

Аннотация. В статье критически анализируются роль и значение подсобных хозяйств в снабжении населения Узбекистана и фронта продуктами питания в годы Второй мировой войны. Также, в статье освещена роль подсобных хозяйств в обеспечении армии продуктами питания за счет различных фондов и налогов.

Ключевые слова: Вторая Мировая война, продовольственное снабжение, материальное положение населения, сельское хозяйство, налоги, подсобные хозяйства, животноводство, мясной фонд Красной Армии, птицеводство, фронт.

Khasan Babadjanov
Doctor of Philosophy (PhD), Associate professor,
Head of the Department of Humanities, TUIT

THE ROLE OF HOUSEHOLDS IN THE FOOD SUPPLY OF UZBEKISTAN DURING THE SECOND WORLD WAR

Abstract. The article critically analyzes the role and importance of subsidiary farms in supplying the population of Uzbekistan and the front with food during the Second World War. Also, the article highlights the role of subsidiary farms in providing the army with food at the expense of various funds and taxes.

Key words: World War II, food supply, material situation of the population, agriculture, taxes, subsidiary plots, animal husbandry, meat fund of the Red Army, poultry farming, front.

DOI: <https://doi.org/10.47390/SP1342V3SI4Y2023N02>

Иккинчи жаҳон уруши даврида аҳолини озиқ-овқат маҳсулотлари билан таъминлашда муаммолар юзага келди. Бу муаммолар биринчи навбатда ҳарбий ҳаракатлар туфайли қишлоқ хўжалигининг вайрон бўлиши ҳамда армиянинг озиқ-овқат маҳсулотларига эҳтиёжининг қаррасига ошиши билан изоҳланар эди. Бундай оғир вазиятда ҳар қандай озиқ-овқат манбасини яратиш аҳамияти ошди.

Ўзбекистонда озиқ-овқат муаммосини ҳал этишда ишчи ва хизматчилар ҳам иштирок этдилар. Озиқ-овқат маҳсулотларига танқислик қисман енгиллаштириш мақсадида корхона ва ташкилотлар ёрдамчи хўжаликлар ташкил этиб, ўз ошхоналарини мустақил равишда сабзавот-полиз, гўшт ва бошқа озиқ-овқат маҳсулотлари билан таъминлашга ҳаракат қилдилар. Ишчи ва ходимлар озиқ-овқат маҳсулотларига бўлган талабларини тўлдириш мақсадида индивидуал томорқа хўжаликлари юритдилар.

1942 йил 7 апрелдаги СССР ХКК ва ВКП (б) МҚнинг “Томорқа хўжалиklarини ривожлантириш тўғрисида”ги қарорига кўра, корхона, ташкилотлар ва алоҳида шахсларга шаҳардаги бўш ёки колхозлар ҳудудидан ер ажратиб бериш бошланди. Шунингдек, қарорда жамоа ёки индивидуал томорқа хўжалик юритувчилар мажбурий равишда ҳосилининг маълум қисмини давлатга топшириши шарт қилиб қўйилди [1].

Республикада фаолият юритаётган ҳар бир халқ комиссарликлари қошида ҳам имкониятлардан келиб чиқиб алоҳида чорвачилик, балиқчилик ва полизчилик хўжаликлари ташкил этилди. Масалан, 1942 йилда Ўзбекистон Савдо Халқ Комиссарлиги тизимидаги муассасалар режа бўйича 20000 бош қўй-эчки, 4000 бош йирик шохли қорамол, 20000 чўчқа, 90000 парранда боқиб беришлари; 85 тонна балиқ тутишлари; 5400 тонна сабзавот ва полиз экинлари, 4000 тонна карточка тайёрлашлари ҳамда 5400 гектар ердаги ҳашакни ўриб беришлари лозим эди [2].

Аҳолини озиқ-овқат маҳсулотлари билан таъминлашда томорқа хўжалиklarининг аҳамияти инobatга олиниб, бу соҳани ривожлантиришга жиддий эътибор берилди. 1942 йил 12 майда ЎзССР ХКС ва ВКП(б) “Темирйўлларда томорқа ва чорвачилик хўжалиklarини ривожлантириш тўғрисида”ги қарори асосида темирйўллардан 70 км. дан узоқ бўлмаган жойларда томорқа хўжаликлари ташкил этиш белгиланди [3].

1943 йил 2 апрелдаги СССР ХКСнинг 433-сонли қарори билан ФЗО, ҳунармандчилик ва темирйўл мактаблари қошида ҳам томорқа хўжалиklarари ташкил этилди. Ҳар бир хўжаликка 3-5 доимий штат бирлигида доимий ишчилар бириктирилиб, қолган қишлоқ хўжалик ишларини ўқувчиларнинг ўзлари бўш вақтларида бажардилар [4]. 1943 йил 23 июлдаги СССР ХКС қарори билан томорқа хўжалиklarари йириклиги ва таъминотига кўра 6 гуруҳга бўлинди. Давлат томонидан энг йирик 1-4 гуруҳдаги томорқа хўжалиklarари қўллаб қувватланди [5].

1945 йил 16 мартдаги Ўз ССР ХКС ва ВКП(б) қарорларига кўра, томорқачиликни янада ривожлантириш бўйича чора-тадбирлар белгиланиб берилди. Қарорда Республикадаги бошқарув органларига йирик шаҳарлар атрофида икки кун муддат ичида қишлоқ хўжалигига яроқли, бўш ерларини топиш ва уларда томорқа хўжалиklarарини ташкил этиш вазифаси юкланди. Шунингдек, қарорда корхона ва

ташкilotлар, турар жойлар атрофидаги бўш ерларда ҳам томорқа хўжалиklarини ташкил этишга рухсат этилди [6].

Уруш йилларида томорқа хўжалиги маҳсулотлари кўпгина оилалар кунлик рационини сабзавотлар билан тўлдирди ва баъзилар учун тирикчиликнинг ягона воситаси бўлиб қолди. 1945 йилда корхоналарда ишчи-хизматчилар истеъмолидаги 60% сабзавот ва 38% картошка томорқа хўжалиklари томонидан етказиб берилар эди [7]. Шунинг учун томорқачилик билан шуғулланувчилар сони ва бу иш учун ажратилинадиган ерлар кўпайиб борди.

Масалан, бутун собиқ Иттифоқ бўйича томорқага эга ишчи ва хизматчилар сони 1941 йилда 4,5 млн. дан 1944 йилда 10,5 млн. кишига етди. Шу йиллар оралиғида улар томонидан фойдаланилган ерлар 298,1 минг гектардан 716,8 минг гектаргача кўпайди [8]. Айниқса, томорқа қишлоқ аҳолиси учун муҳим аҳамият касб этди. Уруш йиллари колхозчилар карточка тизимига ўтказилмаган бўлиб, томорқа уларнинг ягона тирикчилик манбаи бўлди.

Уруш йилларида томорқа хўжалиklари ташкил этишнинг барча ижобий томонларини инобатга олган ҳолда, томорқа хўжалиklари ҳар доим ҳам тўғри ташкил этилмай, иқтисодий фойдасидан кўра зарари кўп бўлганини ҳам таъкидлаш зарур. Масалан, 1942 йилда Ўзбекистон Текстиль ХК корхоналари қошидаги томорқа хўжалиklари норентабл фаолияти туфайли 26 млн. рубль зарар кўрилди [9].

Бу каби салбий ҳолат корхоналар қошида ташкил этилган чорвачилик фермалари фаолияти ҳам кузатилди. Қорамолларни семиртириш вазифаси бу соҳага умуман ихтисослашмаган ташкilotларга юкланди. Масалан, 1941 йил 18 июлдаги Ўзбекистон ССР ХКСнинг 829-сонли қарори асосида чорва моллари шартнома асосида боқиш ва семиртириш учун ташкilotларга берилди [10].

Жумладан, Фарғона вилоятидаги ташкilotларга 2300 бош йирик қорамол бириктирилди. Қорамол бириктирилган ташкilotлар рўйхатида Қувасой цемант заводи, олтингугурт кони кабилар бор эди. Пахта тозалаш ёки ёғ-мой заводалри қошида қорамол боқишни назарий ташкил этса бўлади. Лекин қандай қилиб нефть ёки олтингугурт конида қорамол семиртириш мумкинлиги, ҳатто чорвачилик мутахассиларини ҳам ўйлантириб қўйса керак [11].

Озиқ-овқат маҳсулотларини етиштиришни кўпайтиришда Республикадаги барча имкониятлардан максимал фойдаланишга ҳаракат қилинди. 1942 йил 23 апрелдаги Ўзбекистон ССР ХКСнинг қарори билан шולי экувчи колхозлар ва очиқ сув хавфзаларига эга корхоналарда ўрдак етиштирувчи фермалар ташкил этилди [12].

Шуни ҳам таъкидлаш керакки, колхоз ва томорқа хўжалиklарида тайёрланган деярли ҳар бир маҳсулотнинг давлатга топшириш режаси бўлган. Масалан, 1942 йилнинг 1 чорагида Ўзбекистон колхозчилари давлатга 4 млн. 320 минг дона тухум топширишлари керак эди. Ўзбекистон колхозчилари топширган тухумнинг асосий қисми Москва ва Ленинград шаҳарлари таъминотига мўлжалланган эди [13].

Йиғим-терим даврида озиқ-овқат маҳсулотларининг аксарият қисми турли йўллар билан деҳқондан тортиб олинарди. Йил давомида деҳқон тирикчилиги ўтиши қийин бўларди. Уруш йилларида Ўзбекистонда аҳоли очликдан ўлганлиги қайд этилмаган бўлса-да, фактларни таҳлил қилганда Республика қишлоқ аҳолиси шу ҳолатга яқин бўлганини билиб олиш мумкин эмас. Уруш йилларида одамлар аянчли

аҳволини кўрсатувчи яна бир факт: 1942 йилда Республиканинг боғдорчилик-узумчилик совхозларида ҳосил пишиб етилгунга қадар, аҳоли томонидан йиғиб олинган эди [14].

1941-1943 йилларда озиқ-овқат экинлари учун ерларни ажратилиши муаммони тўлиқ ҳал этмади. Шу йиллар мобайнида Ўзбекистон аҳолиси кунлик рациони асосини ташкил этувчи картошка ялпи ҳосилдорлиги 1941 йилда 142 минг тонна бўлса, 1942 йилда 100 минг тоннани, 1943 йилда 99 минг тоннани ва 1944 йилда эса умуман 64 минг тоннани ташкил этди [15]. Бунинг асосий сабаби полиз экинларига унумдорлиги паст ерлар ажратилди ва уларга керакли ишлов берилмади.

Бир томонлама ғалла ва сабзавот майдонларнинг кенгайиши қишлоқ хўжалик экинларига ажратилган ер майдони нисбатини сезиларли равишда ўзгартирди. Уруш йилларида дон экинлари салмоғи ортиб, пахта экилиши камайди. Шунингдек, 1941-1942 йилларда Республика умумий ер фонди балансида сабзавот-полиз экинлари майдони 4,9% дан 8,3%гача, беда экиладиган майдонлар 16,5%дан 19,6%гача кўпайди [16].

Пахта яккаҳокимлигининг чекланиши озиқ-овқат ресурсларини зарур миқдорда кўпайтиришга имконият берди. Иккинчи жаҳон уруши йилларида Республика ғаллакорлари мамлакатга 82 млн. пуд ғалла, 213 минг центнер шоли етказиб бердилар [17].

1942 йилда сабзавот экинлари майдонлари ва ялпи ҳосилнинг кўпайиши билан уларга пропорционал равишда қўшимча давлатга маҳсулот топшириш нормалари ҳам кўпайди. 1942 йил 9 мартдаги СССР ХКС ва ВКП(б)нинг қўшма қарори билан 1942 йил ҳосилдан колхозлар давлатга мажбурий топшириладиган сабзавот нормалари қуйидаги миқдорда кўпайтирилди: карам 5400 тонна, сабзи 1500 тонна, шолғом 1800 тонна, қизил лавлаги 1000 тонна ва помидор 10000 тонна [18].

Демак, Республикада сабзавот экинлари ялпи ҳосилининг ортиши билан шунга пропорционал аҳолининг сабзавот экинларига талаби қондирилди деган маънони англатмас эди. Худди шундай, 1942 йилда Республика бўйича колхозларнинг давлатга мажбурий гуруч топшириш режаси 33578 тоннага оширилди [19]. 1942 йил 31 июлдаги Ўзбекистон ССР ХКСнинг 1219/120с-сонли қарори асосида Республикада етиштирилган картошка ва бошқа сабзавот экинлари билан биринчи навбатда Қизил Армия ва НКВД қўшинлар таъминланиши белгилаб берилди [20].

Ўзбекистонда сабзавот экинлари тақсимотига эътибор қаратадиган бўлсак, турли фонд, йиғим ва мажбурий режалардан ортган маҳсулот Республика эҳтиёжига сарфланган. Республика аҳолиси истеъмолига ажратилган картошка ва сабзавотлар тахминан тенг миқдорда бозор ва бозордан ташқари фонларга ҳамда турли заҳираларга ажратилган.

Масалан, 1942 йилда Ўзбекистон ССР Савдо ХК ихтиёридаги 444100 тонна картошкадан, 18030 тоннаси бозордан ташқари истеъмолга, 18620 тонна бозор фондига, 2000 тоннаси эса СССР ХКС давлат заҳирасига ва 5450 тонна Ўзбекистон ССР ХКС резервига ажратилди [21].

Турли солиқ ва йиғимлардан ташқари аҳолидан турли фондлар орқали озиқ-овқат маҳсулотларини жалб қилиш тадбирлари ўтказилди. 1942 йил 23 ноябрда Қизил

армия гўшт фонди тузилиб, Ўзбекистон учун унинг миқдори 7000 тоннани ташкил этди [22]. Шунингдек, шундай фондлардан яна бири Қизил Армия нон фондидир.

Нон фондига ғалла, арпа ёки дуккакли етиштирувчи хўжаликлар ўз ҳосилини маълум қисмини мажбурий ўтказиб бордилар. Гўшт фонди ҳам худди шу асосда тузилди. Фронтни қўшимча озиқ-овқат маҳсулотлари билан таъминлаш мақсадида тузилган фондлар армия таъминотини бирмунча яхшиласада, аҳоли таъминотига салбий таъсир кўрсатди.

Қизил армия гўшт фондидан ташқари, қизил армия ғалла фонди ҳам мавжуд эди. Ушбу фондга маҳсулот топшириш нормалари Республика алоҳида вилоятлари ва туманларидаги ғалла ҳосилдорликка асосан аниқланарди. Жумладан, 1944 йил ҳосилидан Қизил армия фондига топшириладиган ғалла миқдори Республика алоҳида туманларида гектаридан 10 дан 20 кг.гача белгиланди [23].

Иккинчи жаҳон уруши йилларида Ўзбекистон ҳудудида 14 та миллий-ҳарбий бирикмалар тузилди. Миллий ҳарбий бирикмалар моддий таъминоти доимо Республика эътиборида бўлди. Ушбу мақсадда, 1942 йилнинг II чорагида Ўзбекистон томонидан 15 тонна ўсимлик ёғи, 10 тонна шакар, 0,5 тонна чой, 10 тонна туз ва 6 тонна хўжалик совуни ажратилди [24].

Бундан ташқари, Ўзбекистон оталиққа олган ҳарбий бўлинмалар ва кемаларга совғалар ҳамда озиқ-овқат маҳсулотлари жўнатиш ташкил этилди. Жумладан, 1942 йил 22 апрелида Ўзбекистон оталиғида бўлган “Марат” ҳарбий кемасининг шахсий таркибига 1 минг посылка-совға тайёрланди [25].

Асосий фондлардан ташқари Ўзбекистонда маълум бир юбилей муносабати билан вақтинчалик фондлар ҳам ташкил этилди. Қизил Армия тузилганлигининг 24 йиллиги муносабати билан ташкил этилган фондга Фарғона вилоятининг ўзидан 600 та қўй, 112 та қорамол, 1152 товуқ ва ўрдак, 40 тонна қурилган мева, 17 тонна гуруч, 1224 кг ёнғоқ ва бодом, 1272 кг анор. 11000 литр вино, 17 тонна мева ва сабзавотлар, 500 минг сўм ва 1 вагон шахсий посылкалар совға сифатида топширилди [26].

Маълум маънода, Ўзбекистонда озиқ-овқат маҳсулотлари билан аҳолини таъминлашда томорқа хўжаликлари фаолиятини ижобий қараш мумкин. Томорқа хўжаликларининг маҳсулотларининг маълум қисми фронт эҳтиёжи учун жалб этилишига қарамай, Республика аҳолиси ва меҳнат жамоаларини озиқ-овқат билан таъминлашда ушбу турдаги хўжаликлар муҳим манба бўлиб хизмат қилди. Турли сабабларга кўра, ҳар доим ҳам белгиланган тартибда хўжаликлар фаолият олиб боролмадилар. Бунга ташкилий ва иқтисодий камчиликлар сабаб бўлди. Шундай бўлсада, томорқа хўжаликлари мамлакат миқёсида миллионлаб инсонлар озиқ-овқат таъминотида, умуман ҳаётини сақлаб қолишда муҳим манба бўлди.

Адабиётлар/Литература/References:

1. Ўз МА, Р-839-фонд, 32-рўйхат, 3143-йиғма жилд, 30-бет.
2. Ўз МА, Р 91-фонд, 8-рўйхат, 301 йиғмажилд, 156-бет.
3. Ўз МА, Р-839-фонд, 32-рўйхат, 3297-йиғма жилд, 87-бет.
4. Ўз МА, Р 837-фонд, 32-рўйхат, 3143 йиғмажилд, 77об-бет.

5. Экономический фундамент Победы: параллели истории и современности: Монография / Под общей редакцией И.В. Караваевой. – Москва: Институт экономики Российской академии наук, 2015. – С. 277.
6. Джалилов И. Возникновение и развитие советского земельного права в Узбекистане. – Ташкент: Фан, 1970. – С. 202.
7. Экономический фундамент Победы: параллели истории и современности: Монография / Под общей редакцией И.В. Караваевой. – М.: Институт экономики Российской академии наук, 2015. – С. 217.
8. Народное хозяйство СССР в Великой Отечественной войне 1941-1945 гг. Статистический сборник. ... – С. 109.
9. Ўз МА, Р 837-фонд, 32-рўйхат, 3740 йиғмажилд, 33-бет.
10. Ўз МА, Р 837-фонд, 32-рўйхат, 2578 йиғмажилд, 85-бет.
11. Ўз МА, Р 837-фонд, 32-рўйхат, 2578 йиғмажилд, 98-бет.
12. Ўз МА, Р 837-фонд, 32-рўйхат, 3270 йиғмажилд, 237-бет.
13. Ўз МА, Р 837-фонд, 32-рўйхат, 3265 йиғмажилд, 296-бет.
14. Ўз МА, Р 837-фонд, 32-рўйхат, 3740 йиғмажилд, 154-бет.
15. Народное хозяйство СССР в Великой Отечественной войне 1941-1945 гг. Статистический сборник. ... – С. 98.
16. Қизил Ўзбекистон. 1942, 7 февраль.
17. Ўзбекистоннинг янги тарихи. К.2. Ўзбекистон совет мустамлакачилиги даврида. – Тошкент: Шарқ, 2000. – Б. 447.
18. Ўз МА, Р 837-фонд, 32-рўйхат, 3143 йиғмажилд, 7-8-бетлар.
19. Ўз МА, Р 837-фонд, 32-рўйхат, 3143 йиғмажилд, 72-бет.
20. Ўз МА, Р 91-фонд, 8-рўйхат, 316 йиғмажилд, 103-бет.
21. Ўз МА, Р 91-фонд, 8-рўйхат, 316 йиғмажилд, 103-бет.
22. Ўз МА, Р-839-фонд, 32-рўйхат, 3253-йиғмажилд, 34-бет.
23. Ўз МА, Р 837-фонд, 32-рўйхат, 4163 йиғмажилд, 135-бет.
24. Ўз МА, Р 91-фонд, 8-рўйхат, 301 йиғмажилд, 142-бет.
25. Ўз МА, Р 91-фонд, 8-рўйхат, 301 йиғмажилд, 34-бет.
26. Ўз МА, Р 837-фонд, 32-рўйхат, 3522- йиғмажилд, 29-бет.